

奉天通志

二函之五冊  
大事明思宗至清世祖

奉天通志卷二十六

大事二十六 明

明十六 思宗 附清太宗

思宗崇禎元年

滿洲  
聰二年天

春正月以畢自肅爲右僉都御史巡撫遼

東

國權正月己卯移督師於關門畢自肅爲右僉都御史巡撫遼

東

二月總兵官滿桂遣兵襲滿洲兵於遼河

國權二月丁未建人駐兵河上邀截降夷難民總兵官滿桂遣

守備張守印以三百人潛渡河殺者甚衆斬三十二級

又二月壬子建人二萬餘騎屯錦州塞外以都令爲嚮導攻克

拱兔男青把都板城盡有地產青把都遁復西誘束不的與合  
不聽我兵亦出哨截之回巢

山中聞見錄<sup>五</sup> 二月甲辰建人駐河上邀截降丁總兵滿桂令  
守備張守印將三百騎潛渡河擊之引去

朝鮮仁祖實錄六年四月乙巳成俊耆馳啓曰令張大秋探問  
都督招大秋密言曰二月間虜賊抄精兵三千往犯西達寧遠  
主將預備火器邀擊於歸路大破之生還者三十餘人

朝鮮與滿洲互市

清實錄二月甲午朝鮮國王李倬遣總兵官李蘭副將朴蘭英  
貢春季禮物並齎書至書曰貴國以人衆食乏爲憂欲市糴一  
年今令有司勉力辦米三千石一千發賣市上二千用以相遺

開國方略<sup>十一</sup>二月甲午朝鮮國王李倬遣官齎書貢春季方物並米二千石更以一千石在江中平價市糴

朝鮮仁祖實錄五年十二月回答使朴蘭英馳啓曰臣到瀋陽大海能詩等以汗意來告曰與朝鮮和好者不過以誠信相待通市有無而今者兩西人物一空開市難便之意在於國書使臣之言亦似有理然則姑宜互市往來國中交易有無又曰先汗事天朝甚恭十餘年前南朝邊臣見我如昆蟲極其侮慢先汗親到撫順呈文則匿其文而不報先汗發憤誓天起兵處處勝捷實天意也與朝鮮自前無怨己未與南兵分路犯我便作仇讐先汗寬弘不殺將官至於送人往來朝鮮接置毛將雖稱和送差皆非實事先汗知而不知且新王反正之後與毛將同

心閉關絕使不得已動衆與新王約和誓天而其後送王弟以示和好之意歎服新王賢聖卽令回兵留置定州等搶獲人民捲還義州留兵敬慕朝鮮至矣而朝鮮則視我甚卑不無惱恨然前後憤怒今盡掃除旣已誓天有同一家患難相救是人常理聞毛兵無價責糧而我則當此饑饉給價買賣若不相救不無憾矣兩西一邊則安保六道亦且全完不得不相救云臣答曰兩西蕩然六道失稔時方饑饉人多餓死情非不足力所不及云云糧米換易則彼中十分渴望今者胡差之行專爲此事宜加厚待以悅其心

又六年正月丁卯接待所啓曰朴蘭英入見兩差言朝廷欲出三千石米而二千石當用於發賣一千石當送於汗處爾國宜

償以人口兩差答曰必知開市日市上米石之數後我國方可計口以送不然則必有中路餓死之弊蘭英答曰民間或米或貨隨其所有互相買賣朝廷何能預知其數兩差必欲詳知而去何以處之請令廟堂量處答曰依啓

又正月己巳接待所啓曰兩胡欲自二月初一日開市以此下諭於兩西監司通曉民間勿用他貨必備米石別定差使員領赴邊市朝廷亦多發米賑給龍義之民使邊上有粟則遠地之民亦得持貨貿米請令廟堂熟議處之上從之

又二月朔癸巳備局啓曰灣上開市一事臣等慮其或有遲緩請遣宣傳官督發平壤等五邑米一千七百三石安岳等四邑米三千三百石已令裝載云以海路遠近計之則似當次第到

泊而前見金起宗所報平壤米二百石旣已陸運水上米三百石亦已曳下今見黃海監司張紳狀啓曉諭各官別定差使員領送以米贖還者云發舡及到泊日時贖還人與商賈等入去形止使之一一啓聞上從之

又二月甲寅申景瑗以高牙夫齎來金汗書馳啓其書曰金國汗致書於朝鮮國王弟今兩國旣成一國中江大開關市竊思東邊之民原在會寧做市矣今見此處開市皆欲往會寧貿易料無王命會寧官豈敢擅專故具悉預報如允當速令會寧官遵行

又二月庚申鄭忠信馳啓曰龍骨大領開市胡人千餘所豆里領守護軍三百餘出來於鎮江回答官李欒朴蘭英等還到義

州馳啓曰是夕以汗意回答曰使臣往來則秋冬各一度開市交易則春夏秋定以三季月或有不得已相通之事則不在此限

王之臣罷以袁崇煥爲兵部尙書督師遼東

國權二月壬子

按山中聞見錄亦作二月而通鑑明紀明史本傳及東華錄均作四月今從國權

罷督

師王之臣命袁崇煥爲兵部尙書兼右副都御史督師薊遼兼督登萊天津等處軍務移駐關門

啓禎剝復錄

五

三月督師王之臣回籍以刑科薛國觀參之也

明史袁崇煥傳莊烈帝卽位忠賢伏誅削諸冒功者廷臣爭請召崇煥其年十一月擢右都御史視兵部添注左侍郎事崇禎元年四月命以兵部尙書兼右副都御史督師薊遼兼督登萊

天津軍務所司敦促上道

夏四月滿洲築牛莊城

清實錄四月戊戌上以牛莊築城夫役勞苦給牛四十犒之

又三年二月丙午車駕次牛莊環視城郭命築新城高二丈二尺有五加雉堞除四隅外每面建腰台四座

開國方畧十四月戊戌先是明兵屢由遼河來犯故修築牛莊城至是太宗念築城夫役勞苦以牛四十犒之

滿洲遣使如皮島

國權三月壬申援遼總兵毛文龍奏建人遣哥孤山馬秀才等五人至皮島求款

清實錄四月丙辰明總兵毛文龍據南海皮島招集遼民令富

民皆冒毛姓爲其子弟裔孫捏稱陣獲誑報冒功明之君臣皆信之因陞文龍爲大都督總兵文龍欲與我國通好屢遣使致書因遣科廓等同從者四人齎書答之往來數次文龍乃執科廓等解送燕京尋寧遠巡撫袁崇煥以文龍與我國私通殺之朝鮮仁祖實錄六年四月甲辰鄭忠信馳啟曰胡差五人及護送唐差一人將輕貨四五駄出自蛇島直向義州之路問於唐人則祕不明言毛將之與虜相通爲後日地者果似分明黃戶部方在島中不可不密通情形於戶部使之嘿察應變宜以此意下諭於接伴使備局回啓曰戶部爲人未知何如而毛將情迹亦難調知不可輕易爲之上從之

五月滿洲兵畧錦州陷駱駝大興等堡

國權五月丁亥建人犯河西高橋朱家窪塔山又圍大興堡誘我降夷桑昂爾介順不聽詈之見執總兵朱梅砲卻之越數日上謾書求款邊臣不應去之

又六月辛亥建人侵錦州陷駱駝大興等堡

山中聞見錄<sub>五</sub>五月丁亥建人攻河西高橋總兵朱梅禦之四王子貽書通款邊臣不應

清實錄五月辛未聞明人棄錦州遁往寧遠命貝勒阿巴泰岳託碩託及八固山額眞等率兵三千人往略明地又與明國君臣書曰爾國如大廈將傾乃文武各官執迷不悟專事修葺城郭亦何益耶比聞察哈爾汗今歲廢棄耕種欲就爾食兵已動矣爾以何兵敵我又以何兵敵察哈爾也我將率各路外藩蒙

古兵築城偪居進取秋成禾稼爾等將出戰耶抑伏匿城中耶我兵耕種樵採往來自便爾之軍民雖欲出而耕種樵採豈可得乎吾本欲罷兵修好共享太平故屢次遣書爾其熟思之若以爲然可遣使來報毋貽後悔也癸未貝勒岳託遣巴爾泰代松阿奏捷言我軍於十六日往略錦州松山獲人口及馬牛贏共八百墮錦州杏山高橋三城並毀十三站以東墩台二十一處殺守台者三十人遂引軍而還

六月調總兵官滿桂鎮守大同以麻登雲代之

國權六月乙未麻登雲爲平虜總兵官鎮守山海關等處四路祖大壽爲征虜前將軍總兵官鎮守遼東尤世祿改鎮寧夏

明史滿桂傳會蒙古炒花諸部離散桂與之臣多收置之麾下

莊烈帝已嗣位詔之臣毋陷袁應泰王化貞故轍並責桂阿之臣意桂遂請病乞休不允崇禎元年七月言官交劾之臣因及桂之臣罷桂亦召還府適大同總兵渠家楨失事命桂代之

秋七月召見遼東督師袁崇煥賜尙方劍

國權七月癸酉召廷臣及督師袁崇煥於平臺上慰勞甚至崇煥銳而輕每易言天下事上問建何日可平崇煥漫應曰五年爲期慷慨請兵械轉運命卽出關紓邊民之患凡吏部用人兵部指揮戶部措餉言路持論俱與邊臣相呼應始可成功上然之賜崇煥食出至午門或問以五年果效否崇煥曰上期望追故以五年慰聖心識者卜其無成癸未賜尙方劍

山中聞見錄

五

七月癸酉召袁崇煥對平臺帝曰東方未平十

年於茲遼民塗炭卿萬里赴召方略何如崇煥奏曰請期五年  
東方可平全遼可復帝曰五年復遼朕不恡封侯之賞卿其努  
力解天下倒懸子孫亦受其福崇煥頓首謝復奏曰臣以五年  
爲期必糧餉器械如期而發內無掣肘而後功可成也請收滿  
桂賜劍以一事權從之癸未賜崇煥尙方劍

建州私志

下

召對之日詢以虜氛何日可滅崇煥自許五年奏

績然實無成算旣而自悔失言及再入對遂以吏部用人兵部  
指揮戶部措餉言路持論俱與邊臣照應方得成功上卽命各  
部臺省如崇煥言

明史袁崇煥傳帝召見平臺慰勞甚至咨以方畧對曰方畧已  
具疏中臣受陛下特眷願假以便宜計五年全遼可復帝曰復

遼朕不吝封侯賞卿努力解天下倒懸卿子孫亦受其福崇煥  
頓首謝帝退少憩給事中許譽卿叩以五年之畧崇煥言聖心  
焦勞聊以是相慰耳譽卿曰上英明安可漫對異日按期責效  
奈何崇煥慙然自失頃之帝出卽奏言東事本不易竣陛下旣  
委臣臣安敢辭難但五年內戶部轉軍餉工部給器械吏部用  
人兵部調兵選將須中外事事相應方克有濟帝爲飭四部臣  
如其言

### 錦州城成

國權七月己卯錦州城成

### 寧遠軍亂執巡撫畢自肅

國權七月甲申遼東寧遠軍乏糧四月因大譟執巡撫都御史

畢自肅嘗奏請戶部未發悍卒露刃排幕府縛自肅及總兵官朱梅推官蘇涵淳州同知張世榮置譙樓上捶擊交下自肅傷殊甚面血兵備道郭廣新至身翼自肅爲解始脅索全餉括撫夷金及朋椿得二萬金不厭票借商民足五萬始解自肅草奏引罪走中左所八月丙申自經袁崇煥至宥首惡楊正朝張思順誘捕其黨推按斬十六人治罪有差

山中聞見錄

五

六月甲申寧遠兵以四月無餉而譁執巡撫畢

自肅總兵朱梅推官蘇涵淳置譙樓叢槌擊之括賞二萬金不厭更貸商民五萬金給之乃散自肅草奏引罪走中左所自經袁崇煥至捕首惡十六人斬之

明史袁崇煥傳是月川湖兵戍寧遠者以缺餉四月大譟餘十

三營起應之縛繫巡撫畢自肅總兵官朱梅通判張世榮推官  
蘇涵淳於譙樓上自肅傷重兵備副使郭廣初至躬翼自肅括  
撫賞及朋椿二萬金以散不厭貸商民足五萬乃解自肅疏引  
罪走中左所自經死崇煥以八月初抵關聞變馳與廣密謀宥  
首惡張正朝張思順令捕十五人戮之市斬知謀中軍吳國琦  
責參將彭簪古黜都司左良玉等四人發正朝思順前鋒立功  
世榮涵淳以貪虐致變亦斥之獨都司程大樂一營不從變特  
爲獎勵一方乃靖

調麻登雲鎮守永平以趙率教爲鎮守遼東總兵官

明史趙率教傳踰月掛平遼將軍印再移至關門

又何可綱傳崇煥言薊遼總兵趙率教久習遼事宜與山海麻